

Naziv suda: OSNOVNI SUD BRČKO DISTRIKTA BIH

Analiza pokazatelja iz statističkog izvještaja o poštivanju optimalnih i predvidivih rokova:

Iz Izvještaja o poštivanju optimalnih i predvidivih rokova za period od 01.01.-30.06.2021. godine proizilazi da je ovaj Sud u radu imao 8734 predmeta, od čega je završeno 2977 predmeta, i to 2367 predmeta u predvidivim rokovima, a 610 predmeta sa prekoračenjem predvidivog roka, dok je ostalo neriješenih 5757 predmeta, od čega je u 1963 predmeta već prekoračen predvidivi rok, a u 3794 predmeta još nije prekoračen taj rok. Od ukupnog broja neriješenih predmeta 1944 predmeta čine izvršni predmeti.

Iz Izvještaja o poštivanju optimalnih i predvidivih rokova proizilazi da je najveće prekoračenje optimalnih i predvidivih rokova na izvršnom referatu, kada su u pitanju riješeni predmeti u 2021. godini, a i kada su u pitanju neriješeni predmeti na dan 30.06.2021. godine, te na ostavinskom referatu, na čije trajanje utiče brzina odnosno sporost rješavanja tih predmeta od strane notara.

Kako ovaj Izvještaj prikazuje poštivanje rokova samo u predmetima koji su evidentirani u CMS sistemu, a kako ovaj Sud ima određeni broj neriješenih izvršnih predmeta i u SOKOP sistemu, već duže vrijeme je „pojačan rad“ na izvršnom referatu u smislu rada 5 sudija i 4 stručna saradnika pod nadzorom sudije. Takvo angažovanje sudija odnosno stručnih saradnika na tom referatu, praćeno je i radom deset sudskih izvršitelja (referenti za prinudnu naplatu), što će svakako na izvršnom referatu dovesti do smanjenja broja neriješenih predmeta. Takođe je važno napomenuti da je u ovoj godini popunjena sistematizacija nosilaca pravosudnih funkcija tako da je za očekivati da će i drugi referati (parnični) biti dovedeni u stanje ažurnosti.

Neblagovremeno dostavljanje nalaza vještaka svih struka, a posebno geometara, prouzrokuje duže trajanje parničnih i vanparničnih postupaka i bez obzira na striktnu odredbu ZPP-a objektivno nismo u mogućnosti da mijenjamo vještake tim više što nemamo nikakvog uticaja na izbor vještaka, a i pojedini vještaci nemaju određenu logističko-tehničku opremljenost, sem vještaka-uposlenika Vlade Brčko distrikta BiH.

Posebno treba naglasiti da je na rad Suda i postignute rezultate u 2021. godini uveliko uticala pandemija korona virusom, kada je Sud radio sa umanjenim kapacitetima, a imali smo i neke zaostatke iz prethodnih perioda zbog obustave rada advokata pred Sudovima Brčko distrikta BiH tokom dužeg perioda 2019. godine, zatim pandemiju korona virusom tokom 2020. godine. Sve ovo je u velikoj mjeri uticalo na rezultate rada Suda.

Analiza raspoloživih resursa u sudu:

Uvažavajući izneseno u prethodnoj analizi konstatujem sljedeće:

Broj predmeta je direktno uticao na prekoračenje optimalnih i predvidivih rokova, jer tokom 2021. godine nismo imali duža bolovanja nosilaca pravosudnih funkcija osim jednog sudije. Imenovan je još jedan redovni sudija, koja je preuzela dužnost od 14.06.2021. godine i raspoređena na parnični referat, tako da je za očekivati da će rezultati tokom 2021. godine biti bolji, ako ne bi došlo do pogoršanja epidemiološkog stanja.

Analiza „perioda neaktivnosti“ u predmetima:

Uglavnom svi predmeti, koji su predviđeni Planom rješavanja predmeta za 2021. godinu, su bili u radu, ali naglašavamo da je epidemiološko stanje uzrokovano korona virusom uticalo da se radilo sa umanjenim kapacitetima, a sve u skladu sa Odlukama VSTV-a BiH o organizaciji rada u sudovima i tužilaštvima u BiH, Odlukama Pravosudne komisije Brčko distrikta BiH o organizaciji rada

pravosudnih institucija Brčko distrikta BiH za vrijeme proglašenog stanja prirodne nesreće i Naredbama Komandanta Kriznog štaba Brčko distrikta BiH o proceduri za sprečavanje i suzbijanje epidemije COVID-19 u prostorima privrednih subjekata, ustanova, institucija i javnih službi.

Kao razlog neaktivnosti u predmetima jedino što se može pojaviti je smrt stranke, prethodno pitanje ili prijedlog stranke da se postupak odloži na neko vrijeme iz određenih razloga, kao i, izuzetno u ovoj godini, epidemiološko stanje u BiH zbog pandemije korona virusom.

Kad su izvršni predmeti u pitanju, primijećeno je u posljednje vrijeme, posebno u predmetima banaka ili mikrokreditnih organizacija, da se postupci izvršenja prolongiraju za određeni period, što znači da oni, na jedan izvjestan način, u fazi izvršnog postupka preugovaraju izvršne obaveze mimo Suda, te na taj način direktno utiču na dužinu trajanja postupka. Međutim, stavovi viših sudova po tom pitanju nisu jasno definisani.

Kada su u pitanju krivični ili prekršajni postupci, jedini razlog nezavršavanja takvih predmeta je nedostupnost optuženog, osuđenog odnosno okrivljenog, gdje su izdate potjernice ili naredbe za prinudno dovođenje i čeka se realizacija istih.

Posebno naglašavamo da je situacija sa korona virusom u BiH generalno uticala na rad po svim predmetima, što je opštepoznata činjenica na nivou BiH.

Prijedlog mjera kako bi se utvrđeni predvidivi rokovi skraćivali i približavali optimalnim rokovima:

Jedna od mjera je bila praćenje realizacije Plana rješavanja predmeta, koja se vršila tokom 2021. godine, mjesečno odnosno tromjesečno praćenje predmeta po svim referatima, u skladu sa Uputstvom za izradu Plana rješavanja predmeta za 2021. godinu.

Mišljenja sam da je potrebno razmisliti o mogućnosti izmjene odredbi Zakon o izvršnom postupku o načinu završetka izvršnih predmeta u smislu onemogućavanja strankama da im se da mogućnost prolongiranja postupka u smislu predlaganja rokova izvršenja, pa po potrebi precizirati kraći vremenski period za, eventualno, odlaganje. Trenutno je situacija da se strankama daje takva mogućnost, a da su oni, faktički, u situaciji da preugovaraju međusobna prava i obaveze u izvršnom postupku, tako da u naravi vodimo jedan, dva ili više postupaka, a troškovi ostaju isti. To znači da koriste Sudove kao garant za izvršenje takvih obaveza na štetu efikasnosti Pravosuđa.

Potrebno je preduzeti određene aktivnosti, mada smo to više puta činili, te vještake, posebno geometre, dovesti u situaciju da ažuriraju svoja stanja, te nalaze blagovremeno dostavljaju, kako bi postupci bili okončani u predvidivim rokovima.

Ostalo: